



# Kapetan

LOKALNA FONDACIJA SARAJEVO

## POZIV ZA UČEŠĆE NA KONKURSU

Lokalna fondacija **Kapetan Sarajevo** otvorila je svoj treći konkurs na kojem je 12.000 KM dostupno formalnim i neformalnim grupama za sprovođenje kreativnih ideja i inicijativa. Konkurs je otvoren do **30. decembra 2024. godine**.

Nakon uspješno prikupljenih dodatnih 6.000 KM donacija od pojedinaca i kompanija u našem gradu, a koje je Trag fondacija duplirala, Lokalna fondacija Kapetan Sarajevo želi da novim konkursom pruži podršku našim građanima i komšijama koji su spremni da pokrenu pozitivne promjene u svojoj ulici, naselju, selu i gradu. Ovim javnim pozivom ćemo podržati inicijative koje doprinose razvoju Sarajeva i povećanju kvaliteta života u zajednici, kao što su inicijative iz oblasti ulaganja u obrazovanje, podrške kulturi i umjetnosti, unapređenja javnih prostora i razvoja sporta.

Ideja Lokalne fondacije Kapetan Sarajevo je da poveže ljude različitih interesovanja i profesija, omogući građanima Sarajeva prostor za aktivno udruživanje i obezbijedi podršku za rješavanje problema u lokalnoj zajednici koje građani ne mogu sami da riješe. Naš cilj je da spojimo pojedince koji imaju ideje sa društveno odgovornim kompanijama i one koji imaju sredstva, vrijeme i znanje da te ideje sprovedu u djelo.

### Ko može da se prijavi?

Podrška je namijenjena udruženjima građana i neformalnim grupama\* koje:

- Pokreću i aktivno uključuju građane i građanke u svoje aktivnosti
- Zastupaju opšte interese svoje zajednice
- Djeluju na teritoriji Kantona Sarajevo

\*Pod neformalnim grupama podrazumijevamo grupe od najmanje troje ljudi, koje su okupljene oko rješavanja problema u lokalnoj zajednici i nisu formalno registrovane. Ukoliko ste neformalna grupa čiji projekat je podržan na konkursu, biće potrebno da pronađete registrovano udruženje građana s kojim ćete potpisati ugovor o suradnji i koje će vam ustupiti račun tokom trajanja projekta.

### Šta podržavamo?

Vjerujemo da udruženi građani i građanke najbolje prepoznaju potrebe svojih zajednica i to u najmanjim lokalnim jedinicama, naseljima, kvartovima, ulicama i dvorištima. Konkurs Lokalne fondacije Kapetan Sarajevo otvara prostor za raznovrsne projekte koji doprinose razvoju našeg okruženja.



Za nas, zajednicu čine građani i građanke okupljeni oko zajedničkih vrijednosti, potreba, interesa i problema koji, razvijajući osjećaj pripadnosti zajednici, preduzimaju zajedničke akcije.

Ključne oblasti koje smo prepoznali su: obrazovanje, kultura, javni prostori, sport i umjetnost. Otvorena je mogućnost podrške i za projekte iz drugih oblasti značajnih za naš grad. Prepoznajte šta je potrebno da se promijeni, okupite ljude koji dijele vaše vrijednosti i predložite nam rješenja.

## **Da li postoje ograničenja u Konkursu?**

Sredstva sa ovog Konkursa ne mogu biti upotrijebljena za podršku pojedincima, javnim institucijama i preduzećima. Osim toga, ne mogu se koristiti za aktivnosti političkih partija, aktivnosti koje promovišu i zagovaraju diskriminaciju po bilo kom osnovu, zagovaranje određene religije, humanitarnu pomoć ili kupovinu drugih dobara radi njihove distribucije.

## **Koliki je iznos donacije?**

Iznos sredstava koji se dodjeljuje kreće se od minimalnih 500 KM do maksimalnih 2.000 KM po projektu.

## **Trajanje projekata?**

Krajnji rok za finalnu realizaciju projekata na ovom konkursu je 30. juni 2025. godine.

## **Kako se prijaviti na Konkurs?**

Predstavite nam vašu ideju popunjavanjem formulara koji možete preuzeti putem linka ([Preuzmite formular](#)) i pošaljite na email adresu [info@kapetan.ba](mailto:info@kapetan.ba), ili popunite [online formular](#) koji se nalazi na website-u [www.kapetan.ba](http://www.kapetan.ba) ([Online formular](#)), najkasnije do 15. decembra 2024. u 23:59h.

## **Šta se dešava nakon prijave na Konkurs?**

Nezavisna selekciona komisija koju Lokalna fondacija Kapetan Sarajevo formira za ovu priliku će pregledati sve pristigle prijedloge projekata. Konačni rezultati bit će objavljeni na



# Kapetan

LOKALNA FONDACIJA SARAJEVO

website-u [www.kapetan.ba](http://www.kapetan.ba), 15. januara 2025. godine. Predstavници podržanih projekata biti će obaviješteni putem email-a i pozvani na potpisivanje ugovora.

## **Ko čini Selekcioni odbor za donacije?**

Selekcioni odbor čine istaknuti pojedinci iz zajednice. Odbor će nezavisno donositi odluku o idejama kojim treba dati podršku, u skladu sa ciljevima, vizijom i vrijednostima Lokalne fondacije Kapetan Sarajevo.

## **Da li aplikanti mogu da se dodatno informišu o uslovima konkursa i svojoj ideji i kako?**

Svi aplikanti mogu dobiti detaljnije informacije o konkursu slanjem poruke ili pitanja na email adresu [info@kapetan.ba](mailto:info@kapetan.ba) ili posredstvom naloga Lokalne fondacije Kapetan Sarajevo na društvenim mrežama. Molimo vas da pročitate i dokument **Često postavljana pitanja (FAQ)**.

Podršku radu Lokalne fondacije Kapetan Sarajevo pruža Trag fondacija.